

興化府莆田縣志卷三十五

雜事志



邑書之有禱志也所以蒐逸事採異聞猶太牢
八珍之後而禱以筍蒲也猶考鐘伐鼓之餘而
間以簫管也莆雖一邑然唐宋以來徽風佳話
爲世流傳韻事名言芬人齒頰或得於紀載之
中或取諸見聞之際收而錄之備一邑之志林
資藝文之多識寧以叢禱爲嫌哉萬歷兩志或
曰補遺或曰禱事又取仙釋方伎古蹟部墓寺
觀之類附之今畧加訂正存其可錄者而且續
以新事隨年代先後詮次成編雖徵事取材遠
遜雜俎而臨文覈實不類齊諧後之蒐奇考古
者將有撫卷而流連矣作雜事志

叢談

永嘉二年中州衣冠始入閩者八族所謂林黃陳鄭
詹邱何胡是也旣以中原多事長難懷居無復北
嚮者故六朝間仕宦名蹟鮮有聞也唐大歷中李
錡觀察福興泉漳汀五州軍事始至興學校於是

獨孤及所為新學碑乃有此屋為儒俊選如林之
辭自是歐陽詹林蕪陳嶠許稷徐寅黃滔相繼成
名廣明之亂王氏父子據有全閩雖號不知書然
一時浮光士族多與之俱南後頗折節下士開學
館以育材其從子延嗣以啓迪人才為已任凡唐
末大夫士避地而南者王氏率皆厚禮延納作招
賢院以館之由是閩之風氣寢與上國埒山關中
記及五

代史九
國志

吾閩自無諸以來方見於漢至唐而後漸有文物前

興化府莆田縣志

卷三十五

雜事

二 叢

此猶草昧也近時囊山寺前耕於野者得一穴其
間金玉之器鼎彝之屬甚多人皆竊去最後既虛
鄉人始相率而就觀之其後壁擊以鋤斧鏗鏗然
有聲但堅固不可動恐是銅鐵所灌意必有國者
之墳也書籍所載閩之士無聞焉或有之而不傳
者乃知莊周所云容成大庭之類不可謂無也

希逸三
子日義

閩士嚮時雖能通文書習吏業不肯北宦唐常袞為
觀察使乃擇鄉秀民勸以仕進林江陵藻始擢貞

元七年第八年有歐陽詹而韓文公云閩人舉進士自詹始史因之余觀閩川名士傳前有薛令之林藻以登科錄驗之信然豈韓公偶未之詳耶

出莆

陽比事

興化府治西南有壺公山古識云水遶壺公山此時方好看壺公山欲斷莆陽朱紫半繼而李宏築陂以興水利鑿山而濬泉遂多通顯故雖山川之形勝亦若有造物以尸之也

莆之帥本路者自屯田郎中李忻始繼有工部郎中

興化府莆田縣志

卷三五

雜事

三 叢

陳絳殿中丞陳鑄樞密院直學士蔡襄右司郎中許懋朝散郎陳覺民權右文殿修撰蘇畢敷文閣學士陳俊卿寶文殿待制陳居仁直徽猷閣林枏顯謨閣學士鄭僑

出比事

莆原屬泉州自古未有為本郡太守者陳僕射靖始以兵部郎中知泉州有詩云分符出牧同吾祖衣錦還鄉自我身後方慎言蔡襄方穀陳覺民蘇畢林伯顯蔡楠林之平林大鼐林枏傅淇方銓相繼為泉州守然已別置興化軍非若向之泉為本郡

也靖長子甲復通判興化軍父子繼牧鄉邦蓋世所希有云後知本軍者有陳文龍通判權知者有

陳瓚出比事及陳氏遺事

慶歷四年秘書丞張緯出宰莆田再新縣中堂其基太高不與他室等治之使平得一石銘長五尺濶如之驗之無刊鏤痕乃墨迹焉其文曰石敢當鎮百鬼壓災殃官吏福百姓康風教盛禮樂張自唐大歷四年至宋慶歷四年墨迹如故物之隱見豈不待時而出耶昔號大歷今號慶歷昔五年四月

興化府莆田縣志

卷三十五

雜事

四叢

今五年四月及所得之日無差異契合如此亦一

奇事也出青瑣集

林披解綬歸嶺南廣帥薛公墓其名奏授瓊州都督詔至不拜常相國衮廉問福建知之話於賓倅曰

觀林公出處其猶龍乎出神道碑

諫議大夫方慎言初赴廷試仁宗為太子年尚幼因觀慎言所用硯謂之曰以是與我慎言期以試畢至暮仁宗又至慎言以衣袖潔硯跪而進之仁宗持入以奏真宗嘉其有禮唱名之日仁宗立御案

旁指慎言曰此多髯者是也已而慎言旋躋貴顯
說者謂實基於此

出宋志

方偕善飲醉後聰明尤過常時知福清縣吏乘醉白
事明日覆之吏隱其一偕曰有某事在吏叩頭謝
嘗使契丹契丹每宴南朝使臣勸酒器不一最大
者剖大瓠之半托以金受三升前後使臣無能飲
者惟偕一舉而盡契丹王大驚喜遺以名馬號其
器為方家瓢每讌南使即出之

出東軒筆錄

蔡端明襄與屯田員外郎劉異約婚後端明登禁從

興化府莆田縣志

卷三十五

雜事

五
叢

而屯田沒家益落劉世為福州候官人端明出知
福州就尋前約其家力以非偶為辭端明日古人
挂劍尙有心許吾與劉君氣義相求兩家之好雖
在髻亂媒聘未行然一言豈可食耶今所不足者
不過謂奩具耳乃悉自為治辦資遣使其子旬受

室以歸

出端明遺事

歐陽文忠論書云蔡君謨獨步當世此為至言君謨

行書第一小楷第二草書第三就其所長求其所

短大字為少疎也天資既高又輔以篤學其獨步

當世安哉余評近歲書以君謨爲第一而論者或謂不然殆未易與不知者言也書法當自小楷出而世或有未能正書而以行草稱者君謨年二十九而楷法如此可知其本末矣世之書篆不兼行草殆未能通其意者也如君謨書真草隸行無不如意其遺力餘意變爲飛草自言有翔龍舞鳳之勢可愛而不可學非通其書意能如是乎

出東坡志林

興化府莆田縣志

卷三十五

雜事

六叢

君謨始學周越書其變體出於顏平原元章始學羅讓書其變體出於王子敬君謨泉州橋柱題記絕逼平原元章鎮江焦山方丈六板壁所書與子敬行筆絕相類藝至於此亦難矣

出東坡志林

蔡君謨既爲余書集古目錄序刻石其字尤精勁爲世所珍余以鼠書粟尾筆銅綠筆格大小龍茶壺山泉等物爲潤筆君謨大笑以爲清而不俗後月餘有遺余清泉香餅一篋君謨聞之歎曰香餅來遲使我潤筆獨無此種物又可笑也

出歐六一歸田錄

盱江李觀一日與處士陳烈同赴蔡君謨飲時正春

妓皆在後圃賣酒君謨因命佐飲烈已不樂酒數
行衆妓方歌烈踰墻遁觀賦詩有山鳥不知紅粉
樂一聲榴板便驚飛之句烈聞之遂投牒詆觀君
謨覽牒笑謂來者云傳語先生今後不復使弟子
也君謨素重烈嘗與歐陽文忠共薦于朝由是知
名然行恠多僞君謨母死烈往吊匍匐而進人問
之曰此詩所謂凡民有喪匍匐救之者也出石林燕語
陳睦熙寧間爲監察御史天聖以來高麗職貢稍闕
至是連歲修貢中國之使不踰海者幾百年始命

興化府莆田縣志

卷三十五

雜事

七 叢

門下侍郎安燾往聘又謀爲副皆畏縮不行及命
睦睦慨然絕無難色神宗曰卿奉命即行可嘉特
賜仙花金帶睦使還奏言本朝故事惟寶文閣直
學士以上乃服金帶前以使事不敢辭今願還所
賜特旨令服之後錢勰楊景畧援例上竟弗許出國史
後睦出知潭州東坡以詩送之云華清縹緲浮
高棟上有纈林藏石甕一坏此地初識君千巖夜
上同飛鞚君時年少面如玉一飲百觚嫌未痛白
鹿泉頭山月出寒光潑眼如流汞朝元閣上酒醒

時卧聽風鸞鳴鐵鳳舊遊空在人何處二十三年
真一夢我得生還雪髯滿君亦老嫌金帶重有如
社燕與秋鴻相逢未穩還相送洞庭青草渺無際
天柱紫蓋森欲動湖南萬古一長嗟付與騷人發
嘲弄

見東坡
太全集

初寇萊公準知巴東縣手植雙栢於縣庭民以比甘
棠謂之萊公栢元祐九年巴東火栢被焚明年莆
陽鄭顛來爲令悼栢之焚惜公手植種凌霄於下
使附榦而上以著公遺跡且慰邦人之思

見湘水
譚

興化府莆田縣志

卷三十五

雜事

八
叢

莆中鮮食最珍者所謂子魚也其通七八寸濶二三
寸出通應港者佳比士大夫賦詩誤以爲通印如
王荆公送元厚之詩長魚俎上通三印新茗齋中
試一旗茶始生嫩者爲一槍寢大而開爲一旗過
此則不堪矣荆公博學多聞而詩言三印一旗豈
自有所稽而非淺陋之能識

出王彥
輔塵史

黃泳年三歲時書過目成誦大觀二年應童子科得
旨赴闕十二月引見宋徽宗摘毛詩如南山之壽
句以發誦泳應聲曰不騫不墜上以墜字爲問對

曰詩人之言不識諱忌臣安敢復道上大悅時尙垂髻乃命歷見后嬪爭遺以金錢菓餌越明年賜五經及第

方次雲任古田簿日奉檄校文于黜卷中得某字號文大喜白同考試官寘之首選及折號乃梁克家也歸語郡人李喬曰梁生之文器度宏遠不惟當占魏科異日乃公輔器明年梁果南宮第一官至宰輔至隆興初以新入館差爲南省考官初艾軒名重東南諸公必欲得之以厭衆望次雲偶得某

興化府莆田縣志

卷三十五

雜事

九

字號文卷乃大驚喜謂鄉刺史劉公曰某得之矣

諸公始未信及啓號果然

出家傳
此事錄

黃琮宰泰寧內臣楊安時爲廉訪使者數干以私皆拒不答嘗切齒思報會奏事京師每見朝士必詆以惡濫之言及入侍徽宗問在閩時屬縣有賢令否安出不意錯愕失對惟憶琮一人姓名極口稱贊上喜即日召赴都堂賜章服改員外安旣出方

大愧悔

出此
事

陳正獻俊卿乾道初知樞密院北使來故事當押宴

使者以狀致私覲具書而不名正獻却之掌儀白
恐生事正獻語之曰今日豈當用辛巳以前故事
耶使者詞屈詢其爵里甚悉易狀書名曰特爲陳
公屈耳自是以爲例

陳忠肅文龍初在太學舉試不入格一日夢太學士
神岳侯請交代自謂必死于學恒悒悒不樂旣而
廷對第一仕宦顯達前夢不復記矣及守鄉郡又
夢神通詩首言交代後署至元年月日心甚駭愕
未幾國亡家陷身俘至杭拘于太學病將絕以前

興化府莆田縣志

卷三十五

雜事

十叢

夢語故人趙有得因歎曰社稷人民一旦易主此
天數也皇宋未亡之前鬼神已奉其正朔矣吾今
病且死而適囚太學得無爲太學士神平果卒墓
在智果寺傍葬之日墓即生竹竹俱有荊人不能
登世謂岳王爲公前身今岳墳松不北枝公墓竹
盡生荊忠魂義魄散爲卉木如出一節豈其然乎
陳吉士實明永樂四年登林環榜進士負才不相下
疏稱取狀元不公成祖召詰之對曰臣百問百答
遂命解學士縉撰百問策一道縉擬以聖門七十

二賢賢賢何德雲臺二十八將將將何功為問及

記里鼓論上臨軒命林環陳實對試實對曰聖人之育材與王

者之報功事雖殊而道則一也請試陳之昔孔子當春秋之否轍環不遇乃欲以轉否之責博望諸徒故杏壇設科時則有七十二賢焉漢明帝承光武之統國家閒暇乃欲以收功之典激厲羣雄故雲臺紀績時則有二十八將焉收桃李於宮墻列姓名於廊廟天下後世稱師道君道之極者有以夫今自夫七十二賢之德言之顏閔冉耕雍子子貢與夫冉有季路言偃商師其德之載諸孔論者無待陳矣自此之外去捷徑而私謁是戒持狷介而百結是甘有滅明原憲矣然遇事而不更其守貧賤而不移其心不有商瞿顏襄曹卹顏高者乎親賢以造君子願學而為小相有子賤子華矣然脫庸俗以遊高明習禮樂以養性情不有梁鱣漆雕哆商澤冉孺伯虔者乎南宮适之所向在德漆

興化府莆田縣志

卷三十五

雜事

士叢

雕開之見道分明固不可及其他公孫龍后虔或學君子或務自修壤駟赤樂欬孔忠或道中庸或明家學其有得於聖教何如哉公冶長之非罪冉子季之四長固為可稱其他漆離徒父卹單榮旂或以操著或以才名公皙哀良孺原亢籍步叔乘或敬持已或惠及人其為聖門之傑出何如哉究孝弟以體悉聖心遭患難而寵辱一致石作屬有若巫馬期向井疆縣成其人也志不降而行不淪俗畧細節而守不詭隨申根罕父黑琴牢左人郢其人也更寒暑而學不厭隨窮達而守如常孰若公夏首狄黑秦商顏之僕燕伋秦非焉仁孝備而貌如愚粗鄙變而志仁道孰若高柴公堅定鄭國樊須焉避叛兄而能潔遵善誘而德馨司馬耕與顏子柳耳至於向茲容歲公西箴施之常其所以聯同姓而明臣道謂非斯人之徒與道可明而志不屈聞詩禮而喜得三公西與與陳子禽耳至於顏噲廉潔任不齊叔仲會邾異其所以履中正而挺高尚謂非斯人之匹與吁此聖教之所甄陶而

為天下萬世之所崇祀者也復自夫二十八將之功言之滅羣雄除苛政當夫斬將奉旌攻城畧地若固不乏人而其功之尤為特異者果為誰哉首建大策以光復為必可為鄧禹壯矣然鎮守河內使民生不苦於兵戈不有寇恂乎八戰八克以敵國為不足謀吳漢勇矣然安集關中致百姓相安於無事不有馮異乎折衝千里彎弓三百自古惟勇將能之而賈復蓋延西美矣憂國奉公善待士卒自古惟仁將能之而祭遵王霸克追焉耿弇耿純策定計而以勝算高天下固兵家之雄也而耿純陳後料敵如神每出而成克捷之勲非中與良佐乎任光羽翼太平而以威望先士卒回當世之英也而邳彤萬修運奇掌上逐鹿而樹萬全之功非佐命巨擘乎王梁杜茂應赤符而擊五校矣乃撫劍抵掌志馳伊吾之北者臧宮馬武也岑彭姚期平西蜀而斬王郎矣乃善治障塞身負矢石之難者馬成堅鐔也景丹傅俊李忠或收戰勝之烈或參帷幄之謀為功不同而其策立於當時者要皆

興化府莆田縣志

卷三五

雜事

三 叢

從王事以有終者也朱祐劉隆劉植或稱汗馬之勞或展運籌之功所建不同而其効力於王國者要皆為社稷之翼衛者也然論者謂七十二賢中有秦冉顏何申黨夫三人者將以為是則德業聞望寂然無聞何與意者世殊時異傳記有所差訛故若存若亡如此耳又謂二十八將外有王常李通竇融卓茂夫四人者將以為非則并盡於臺一體崇祀何與意者功非草創績在方來故推恩至此耳要之賢人君子何代無之而名世之出每待王者觀聖廟者甚毋以七十二賢為絕德當如宋邵楊程朱諸公庶無負聖教而得與夫從祀之列觀雲臺者甚毋以二十八將為奇功當如國朝徐常沐郭諸公庶感動帝衷而得與乎畫圖之選者哉

策上林環亦條答詳悉

實竟以廷爭違旨發戍三邊其軍由日廷爭狀元云實赴伍無何卒蓋以奇才負奇氣而得奇禍也

又聞實諸生時上司某謁 文廟實屬贊禮時天大
雨某官擬拜階上實高聲唱曰拜下禮也某官遂
冒雨下階拜已升明倫堂聽講命實講大誥蓋難
之也實高聲唱曰禮讀誥律在坐者皆起衆官俱
起實展誥詳緩讀之復詳爲解說某官竟不得坐
聽畢默然而行其奇傑多此類

岳文肅正知吾郡鑿小西湖賦詩有林巒青似滴城
郭隱如無句書生林炤戒石工畱似字勿刻工以
炤之言告公公親詣問故炤遜謝徐曰似與如未

興化府莆田縣志

卷三十五

雜事

三叢

免合掌更以欲字何如公撫掌大喜再拜謝之贈

以束帛

載曹能始名勝志

柯竹巖潛及第之年有觀橋陳姓者於上元夜分方
就寢聞犬吠疑其盜也出而見羣犬狺然於檐廊
之下仰視之天門洞開燈燭輝煌有袍笏而騎者
則公也駭而入告其妻曰柯潛必今年狀元也後
公屬纊之辰有匠遇於壺山南車騎甚盛叩之告
曰我錢若干將償汝直在某篋中可令舍人取之
匠應曰唯趨至其家聞哭聲訝之謂已方遇公於

壺山之陽言及錢事索之果然家人初不知也噫
公文章氣節固扶與清淑之氣所鍾二人者之見
何怪其然耶

出拙卷
管見

彭司寇詔自在郎署卽有材名時外戚周氏言民家
占其田土憲廟命公往訊公意謂未有以平民而
敢侵貴室者悉以田土還之周嚙之言于上逮繫
詔獄時有李御史琮亦以同事被收每就鞫公輒
昌言也差失皆小人御史無預如此者再三久之
泣詔獄者曰爾持正如此乃君子吾輩今爲小人

興化府莆田縣志

卷三十五

雜事

古叢

耳遂爲直其事于朝得還任乃知天理在人心未

嘗泯滅耳

出西湖
塵談

彭惠安云吾承庭訓不好戲弄十餘歲自知向學二
十以後兩赴秋闈不如意更不抱怨舍置襍學溫
習註義故戶部主事黃聲叔先生謂人曰彭生屢
不第前日倪繡衣小試居首毋乃虛與乎人曰不
知實學何如然服他不中便讀黃曰如此便高矣
繼而叨竊科第歷官中外鐘鳴起視事終日據案
暇則緝閱書冊未嘗敢晝寢此心自放閒不得非

強而然出惠安家規

前輩多好獎誘後進而貞肅公為最王鑑布衣能孝者也公嘗導郡守屢訪鑑於墓廬方璣陳汝瀾陳壽徵布衣有行誼者也公稱為三君子薦之郡守榜姓氏于旌善亭孝子劉閔尤表表者公特疏薦于朝知府陳公效亦薦之得旨授本縣學訓導自後古意稍衰而有司能薦士者尤少

出續志遺事

林貞肅在都門韓洪洞文問莆中人物公曰從吾又問以陳孝廉對韓曰以莆再指一書生耶林曰是

興化府莆田縣志

卷三五

雜事

五叢

友自純家居相信尤深故稱之時孝廉方為諸生公徑列之惠安之儔先輩賞識故自不苟

見素嘉靖初再起為刑書適文徵仲應貢至京乃游揚于公卿間得授翰林待詔見素曰吾此行為文徵仲了此一事不為徒行矣

出皇明世說新語

鄭樂泉處士數往來燕趙舟中遇賊眾避處士獨留賊至解橐中數金予之曰吾市入者盡以予若賊信而不問時鄉人寄處士金以百數處士藏置坐下幸獨完歸而還寄金寄者聞處士以金子賊而

完其金請以金分償處士曰吾自失金君自完金如是則君不失於賊而入於吾也却而不受

侯知堂集

方布政守致仕家居廉潔寡二晚窮甚以事入郡城

或遊訪使其季子偕一僕肩輿嘗宴會於士大夫

家酒數行告歸蓋夜甚寒難其子之久伺耳主人

初訝甚後知其由遂大驚歎翁僉憲夢鯉曰此與

陶靖節使門人同一兒昇藍輿同然靖節棄官高

致而方公歷官方伯清苦至是尤近世士大夫所

難若其季子亦可謂養志矣

出拙菴管見

興化府莆田縣志

卷三十五

雜事

六

陳孝廉一日臥病柯希齋維騏訪之臥內見其短床

破被不設蚊帳蔽以蔭屏用石塊二置布履溺器

須臾家人出粟糜以食希齋歸為門人黃若獻等

述之以勵志節

出續志遺事

林中丞大輅致仕家居其翁封君嘗讌集皆布衣老

友也公侍立終日不倦老友請謝公休矣封君曰

小子禮當如是

出續志遺事

王侍郎大用參政江西時與江都左唐同僚相善左

一日病甚謂王曰子幼家貧不勝於邑王遂許以

女妻其子後爲大同巡撫便道尋盟左氏恭人立屏間揮淚辭以非偶王喟然曰吾與大人薑桂相得生歿交情言猶在耳其恐忘之竟治奩粧遣歸此其事與蔡端明尋劉屯田婚同

林都憲茂達與方良永良節兄弟同學林弟視二方及二方并爲藩長歸而林猶諸生一日社祭二方盛服立左右而林以藍衫居中委蛇自若識者高之

鄭侍郎岳作莆陽文獻不以示林貞肅貞肅反爲之

興化府莆田縣志

卷三五

雜事

七 叢

序曰人取其尤事取其核詩文取其純整無畔道後峰間商校必東士遠間刪削焉閱數歲始克就編屬余爲序余未見成書要自公出賢者也三君子又賢者也書固足信矣第不知有借片辭不遂否乎吠聲之屬其不謂終無也

陳珀爲御史歸方出京適同鄉訓導翁瑞卒于官冷宦無依遂携其櫬同歸道路誤傳以爲御史不祿至莆乃知其爲翁櫬也唐木溪常擊節談其事云蘇潛龍望江人家貧鬻書自給嘗謂人曰吾於鬻書

識人多矣其購求經義者科舉士也其購求秦漢以前文者好古士也其購濂洛關閩諸書者學道士也其以家貧無書嘗遊吾肆求閱者篤志士也其尋訪先世遺文者孝敬士也其以家之藏書來鬻者則世之不肖子也一日有羣士過門見蘇執書讀笑曰此書肆也而讀書耶蘇怒曰子以我爲書肆乎吾早不幸孤貧不克讀書而托鬻書以讀世固不有藏而不能讀讀而不能用者乎是亦一書肆也吾書肆而讀書人讀書而書肆子不笑彼

興化府莆田縣志

卷三十五

雜事

六 叢

而我笑耶羣士羞縮禁不能出一語以去蘇號拙

修黃後峰爲作拙修小傳紀其事

出後峰文集

郭孝子義重至旌表後年過六十而後娶陳孝廉茂烈三十年不能辦一蚊帳先輩苦節聞之亦足以廉頑立懦

宋崇寧六年籍元祐黨人以司馬光爲首凡三百九人刻石於文德殿門東吾郡與者六人陳次升坐辨宣仁誣謗及疏劾章惇見當時有德條朱紱坐辨范純禮劉安世呂希純不當屏黜王回坐與賢

士交通見賢士交遊條書隱坐尙司馬光學術見
學尊司馬條林豫坐二蘇所薦見名公論薦及忠
談蘇軾條方适坐對策乞復元祐後附見當時有
德條正德丁丑吾邑第進士者十九人張御史曰
韜邱郎中其仁以議大禮杖姚御史鳴鳳鄭御史
洛書以爭大獄杖林御史若周以論張霍杖林員
外應驄以救朱馬二御史杖黃郎中待顯以諫章
聖尊號杖朱戶部可宗以諫南巡杖皆同科進士
也又其時馬御史明衡朱御史淵首諫昭聖皇后
崇寧黨籍爲吾鄉前後盛事也

興化府莆田縣志

卷三五

雜事

九

不受朝賀郭主事日休以議大禮同受杖削籍一
邑之中同時拜杖者十餘人同科直諫者八人與
柯狀元潛官翰林學士掌教習庶常承詔受業者李
賓之諸公也院後堂有二栢爲先生手植號學士
栢造瀛洲亭以臨之而劉文安爲院長牒并於其
旁柯亭劉并詞林至今以爲美談

陳太常音與李西涯同年舉進士交好甚篤在京師
酷貧所乘盲馬售錢六百文西涯貽之以詩有斗

酒杜陵堪再醉之句蓋取子美三百青銅錢語也
與顧侍郎清居相比隔常於牆上作輪竿以便撥
詩名曰詩鈞詞林傳爲佳話太平盛事至今猶可
想見也

莆郡曩陷倭林御史濶爲請蠲租三年乞帑金復其
學宮並與諸生金其卒也人持幡酌酒哭三日鄉
先生沒而可祭於社濶無媿矣

莆人甚德戚南塘其祠內鐫柱云元戎兩度掃妖氛
不愛髮膚殊歟戰父老千秋嚴伏臘猶思離亂得

興化府莆田縣志

卷三十五

雜事

三叢

生還詞旨悲壯

二則出黃東崖國史唯疑

林道楠巡按陝西陝故行邊食皿器物皆用銀道楠

詰之從人曰例也兼防醜道楠命撤之曰吾以恩

信投人何防之有

出閩書

留耕園別墅爲大理林炳章讀書處也卒後子弟輩

建師許國器肄業園祠萬歷己酉科許試列平等

無意秋闈造暑月晝臥夢中恍惚聞龕內靴聲出

至甃旁作揖云先生恭喜何不赴省應試寤而異

之遂赴省以遺才入闈中式後登己未進士又彭

臬副憲范爲諸生時讀書園中嘗禱求于神像一日坐梧桐樹下桐葉飄墜其前拾而視之有虫蝕葉上作字痕曰今科而舉四字是年卽萬歷戊子彭果中式彭從弟某聞此兆亦來禱求一日復見桐葉墜下有字痕曰子亦能科彭遂自負其後竟老于諸生而子汝亨登崇禎庚午科乃悟子亦能科也按漢宣帝紀載虫食柳葉曰公孫病已立史冊中已有此事非創見也

林御史銘几年十七時就婚于外父俞方伯維字濟

興化府莆田縣志

卷三五

雜事

三

叢

南官舍舍中有神能作人言告以異日當作臺諫並爲本處公祖後皆驗故公按察濟南視篆數日悟食祿久定卽致政歸又爲諸生時讀書瑞龍菴夢土地贈以聯有兄弟聯芳祖孫濟美之語公貴後以金塗其像至今猶仔可見科名有定數云

莆邑文物之盛冠於閩中有一家九刺史者唐林披生九子藻舉進士蘊著薦葺擘蒙邁蔭俱明經及第薦爲司馬餘皆刺史披蘇州別駕亦贈睦州刺史有一門五學士者韋璞舉進士與子仁藻仁渥

仁滔仁渭同列館職有一科兩狀元者宋熙寧丙辰徐鐸舉狀元薛奕應武舉亦狀元故神宗詩云一方文武魁天下四海英雄入彀中有狀元榜眼同一榜者紹興戊午黃公度狀元陳俊卿榜眼故當時旗句有云榜榆末五里魁亞占雙標入明科甲尤盛有一科兩解元者永樂戊子福建楊慈應天黃壽生宣德壬子福建林同順天宋雍有一科五經魁者嘉靖癸卯第一名黃繼周第三名林仰成第四名黃謙第五名江從春而林文豪以訓導

興化府莆田縣志

卷三十五

雜事

三
叢

中廣西第二名適完五魁之數又景泰癸酉科中式四十四人占全閩榜額之半明代九十科莆發解者三十人占全閩三分之一尤邑中盛事也

亳州薛君采有言云里人雅重達官卽親知趨候不敢鈞禮坐且讓席乃吾郡則無此習矣嘗見鄭山齋公林臥時已白首矣獲交林誥誥一宿儒耳第以齒長居恒呼之必曰汝華汝華又有郭義者亦誥倫也少與方伯魏一恭同學魏貴後亦以道宗字之舊故忘形超然古韻而侍郎鄭綱亦嚮用時

偶過家日呼召諸故人清言燕集而於貴達則謝之此等風致近日猶存乃曲謹者輒以呼字爲僭豈知先輩尙質之風何可廢乎

莆中以經術著名而伏毛二學尤爲耑門德靖之後稍稍涉及他經今則高堂安國之業直探要領爲海內推轂矣廼藝林宗匠以郡專章句誦帖括不能操筆道古此亦輕於推論也當孝宗時李獻吉何伸默以文章高一世吾郡有鄭洛陳伯獻王鳳靈陳騰鸞鄒守愚諸人爲一時秀出覽其文集在

興化府莆田縣志

卷三五

雜事

三 叢

往馳譽中原並稱上駟餘屈指蓋未易數也今則無論縉紳卽經生學子於史漢二書李杜兩帙咸能口誦而筆做之所云人握靈蛇家抱荆玉非耶士大夫居喪不用浮屠最爲佳俗然在時弔會卽城郭相錯數十里亦止蔬笋魚肉四豆酒數行而已啟殯則丹旒素幡親知白衣出祖禮亦甚簡今則大非曩日矣出殯則裝束開路神像列騎成行錯以綺繡亭子用簫管參於哭泣甚爲違禮嘗聞孝廉陳茂烈公苦伏靈牀貞肅林公俊一日於昧爽

往候孝廉從柩下扶服起林歎息不置葬則楮蟻不設惟哀痛咽絕酸鼻路人所以爲孝者如此甫中士大夫極簡朴往御史陳傑方伯葉圻知府廖柳疏歸後輒遠跡公府惟布衣素冠徒步里中或有譏其褻者昔蘇東坡步行爲醉人所推同行者有憤色公笑曰某今漸喜不爲人所識吾里諸公雅素之尙無媿昔人矣

元季諸先輩相與結社以文字爲樂號曰壺山文會初會九人曰宋貴誠方樸朱德善邱伯安蔡景誠

興化府莆田縣志

卷三五

雜事

三

陳本初楊元吉劉晟陳觀續會者十三人曰陳惟鼎李苾郭完陳必大吳元善方炯鄭德孚黃性初黃安陳熙方坦葉原中其一人曰清源方外士也

月必一會或賦詩琴奕清談雅歌以爲樂一時風

流文雅有足尙者

宋貴誠字一中薦辟福州同知方樸字時舉薦辟本府訓導

伯安薦辟寧德教諭陳本初薦辟御史劉晟字性存南海知縣陳觀字廷賓陝西參政陳惟鼎薦辟游洋教諭李苾字叔英薦辟仙遊訓導郭完字維貞布衣方炯字用晦布衣黃性初薦辟興化縣訓導黃安字孟仁薦辟戶部員外陳熙字虛中薦辟泉州訓導方坦字履道布衣釋清源號雲林

嘉靖初年有逸老會七人皆鄉國之望都憲林茂

號翠庭年七十五憲副吳希由號臨淵高士林嘉
績號頤晦年俱六十七御史林季瓊號他石縣尹
朱元翰號友泉俱年六十五憲副林有年號寒谷
年六十四侍郎鄭岳號山齋年六十三七老繪爲
圖鄭司馬爲記續又增林侍郎富李寺丞廷梧會
皆崇真率後諸老各享遐壽舊刻有逸老會詩集
萬歷甲戌重刻於廣之博羅縣都憲郭應聘爲之
叙嘉靖丙寅康尙書大和致仕還家己巳舉耆老
會鄭知府弼號棠泉年七十八雍少叅瀾號見川

興化府莆田縣志

卷三十五

雜事

三十五

年七十七陳知府叙號淇塘年七十六林運使汝
水號南崧年七十五柯主政維騏號希齋年七十
四林知府允宗號方渠年七十二大和號礪峰年
七十一賦詩首倡云故里重開耆老會七人五百
二十三蓋總計其算也後又增林尙書雲同號退
齋年六十九人稱八仙會每月一會主席者先
期作詩邀請同會者共和之及期免催盤餐過盛
有罰真率之約大都與洛社同風焉八仙歌詩萬
歷壬辰汝末子憲副廷陞鐫于廣之雷陽

明末鄉賢顏濫著監司請林貞肅之祖入祀貞肅固辭謂中有艾軒復齋夾漈諸公進與同列恐非地下之願且生時嘗不滿猶人者今日決不欲自混其見超乎流俗矣宋立齋公嘗慨祀典之濫作鄉賢考證一書其所評騭最稱精核序載前文獻漁滄溪常泰里要道也原有橋長三十六丈餘歲久圯壞架木僅存尚可容足舟人鄭廷魁者乘而規利潛毀架木曳艇以渡恣其需索有樵子無僱值不得渡哭于溪次老父陳志旺偶見之勸予之渡

興化府莆田縣志

卷三十五

雜事

三
叢

鄭反詬之志旺往踰溪負樵者中流幾溺幸而濟憤謂人曰吾誓造此橋汝尙得因爲利乎鄭反唇曰汝寡人救死不贍能造此橋耶橋若成我願爲守橋鬼志旺盡捐家貲以鳩工無何力訕而輟鄭拍掌笑曰汝尙能阻吾撐船覓利乎越三年黃啟憲捐金百餘倡建不數日橋成鄭乘夜壞橋址忽顛墜溺歿守橋之語果驗而志旺樂觀厥成優游天年以終

翠渠周公瑛知廣德日有道士作法能使童子舞公

摘樹葉置童子懷中戒之曰汝第舞但樹葉落地則答汝矣於是道士百計作法童子凝然不動蓋童子心以守葉爲主也以是見人心有主則不動公在廣德嘗著祠山雜辨以息好鬼之俗善政不可縷舉云

出仰山
勝錄

方良節婚時兄良永尙未娶入室婦詰其嫂安在對以未娶遂出妝奩召媒人限七日內必完其親後兄弟子孫俱貴未始非內助之報也

楊汝惠先生初在庠時其友林君生孫汝雨抱出見

興化府莆田縣志

卷三五

雜事

五
叢

楊笑曰他日仕途有相遇處楊曰若待相遇吾老歸矣至嘉靖辛卯楊以歲貢官廣西永福教諭時年六十餘汝雨以主事典廣西試楊例入試獲中式仕途相遇之戲其偶徵乎

出駒陰
元記

林彰德鳴盛偶病嚙語中似有傳岳使君造者時督學行部將至彰德意其人也及閱刺乃北地游仙岳正拜又有小札題四句云昔爲小西湖今成黃沙路堪嘆兩龍脉已枯不知何時還復故湖故岳公所開次年徐監司良彥修濬故址鳴盛先新其

倚湖園亭兩隄遂得清出湖成閱月而彰德沒沒
後月色微茫有人見彰德借兩人徘徊湖上
曹能始招尹恒屈吳季騶姚園客洪仲韋諸人謝公
墩眺飲永慶寺方談風雅仲韋謂莆從來無詩
人園客應之曰然有一江采蘋是女流有一黃滔
是晚唐有一劉克莊是南宋有一洪仲韋又遷白
下莆故從來無詩人衆大笑

吳中丞兆元爲儒生時與教授曾鍾震全肄業于西
潭天花庵自立課程每午夜讀表到皇帝陛下句

興化府莆田縣志

卷三十五

雜事

二十六

而漁舟適至嗣是往來江上者輒聽此句以卜夜
嚮晨足見古人學業不苟求志有素菴前座中春
上有小榕三尺許自明季迄今旱數月不凋雨連
旬不長郡司馬王龜口占云不借人間資灌漑遙
從天上屬蟠桃名人遊其地爲低徊者久之

程廷栢字世憲性長厚樂善好施嘗歲除夕有偷兒
潛伏廳事後廷栢見之佯爲不知俟子弟燕集畢
命別備酒殺自飲守歲比人定乃躬引偷兒出坐
而酌之慰之曰汝通于窮故爲此耳餽以斗米白

鑑勸其改行偷兒惶謝去悔過遷善不復爲非
國朝康熙二十九年九月二十四日郡城西巖寺建
山門忽剝地砉然有聲土陷一窟長一丈四尺濶
半之上銳下方甃以巨甃土花三面凸起旁篆
太康八年八月日作辟亭使 中獲古鏡一古劍
二銀環數枚鏡背有花紋斑駁陸離劍脊有字剥
蝕不可識環徑二寸許尙一窰未啟寺僧畚土急
掩之事與宋縣宰張緯得石銘略同石瘞於大歷
而出於慶歷塚作於太康而啟於康熙亦奇事也

興化府莆田縣志

卷三十五

雜事

无叢

奉谷里臚頭在大蚶山下明副使曾光魯族居于此
其地有大石當路上產榕樹一株團團如青蓋枝
葉茂密康熙元年以海患截界居人徙內地樹輒
焦枯人皆以爲槁矣庚申歲樹忽菁葱觀者詫異
未幾海患平奉 旨復界今人民稠密樹亦茂盛
如舊

考前志載蔡忠惠公故居在郡城南五里許俗呼
蔡宅其地近水亭卽今所稱錦亭是也往來泉南
道由此出郡表其坊曰忠惠之家王梅溪赴泉守

有過端明故居詩云云又序其集曰莆田蔡公訥
尤分明近仙志載公宅在赤湖又在牛山之麓去
楓亭西三里許則必迂道訪之不得謂之過矣李
幼傑比事云水亭蔡為忠惠公之後仙遊赤湖蔡
楓亭蔡金忠惠公之族宏治志云考蔡氏譜襄三
子勻早歿無傳句生傳世居莆蔡宅旻生倡徙安
吉佃與仲徙毘陵襄旣入莆後遂無居仙者林艾
軒圖經序云縣北三里有故家為林氏門安綽樾
出南郭可五里蔡端明有舊第孰視雙闕者不覺

興化府莆田縣志

卷三十五

雜事

三

叢

歛容過蔡公之門或立馬低徊不忍去比事又云
公有莆陽居士集三十卷孫傳有城南集二十卷
林李兩先生皆宋代鉅儒去公未遠其言必可信
公泉州萬安橋記自署莆陽蔡襄跋魯公告身未
書莆陽蔡襄齋戒以觀跋柳城懸蘭亭詩帖末書
蒲陽蔡襄題閱公諸款識則繫公於莆安也仙志
乃以公未嘗居莆蔡宅特田庄耳其言太失於誣
明彭惠安貽書岳蒙泉太守首論教化莫要於表
章先賢以風勵後學歷評蔡襄陳俊卿林光朝陳

密李官言賢宦別立祠祀搜置遺集爲後人矜式
岳公躋其議建五賢祠於西湖上非以公僉列吾
鄉之賢乎昔朱晦翁原籍婺源及徙閩之崇安遂
爲閩人今海內皆稱濂洛關閩無異詞何獨於忠
惠而異之編修鄭渙仲公史稱莆田人廣輿記亦
然所居在廣業里之霞溪上爲夾深山構草堂著
書自樂今遺址尙存風雨夕每聞讀書聲宋時析
莆田游洋鎮置興化縣明正統中縣省析二鄉入
莆爲廣業里一鄉入仙爲興泰里仙志謂公里居

興化府莆田縣志

卷三十五

雜事

三

在仙是必奄有廣業之地併隸於仙而後可也夫
地以人傳他邑爭引爲重仙人固自言之其以莆
人竄入志中者未易悉數無足置辨顧倡爲詆訶
前輩之說一似借才異地用以誇示流俗則不可
不一是止俾論世者有所折衷庶得以意羣疑之
喙云